

Doiq Swhgeij Ndei

对自己好

□ Cinz Yuvangj / 覃玉往

Byonghhwnz, gou caeuq baengzyoux ndei gangjgoj hix sat lo. Baihnaj dwg dennauj caepcatcat, gou lij mbouj haengj deuz bae. Siengj daengz gij goj de raemxda gou couh lae mbouj dingz. Gou caeuq baengzyoux ndei gangjgoj yienznaeuz gek aen dennauj, hoeng gou lij gamjdaengz lwgda de dwg hoengzgywggywg, ndaw lwgda hoengzgywggywg comzrim raemxda siengsim. Gou mbouj miz banhfab bae gaij gij simgiyet de. Ai! Doiq moix aen ranz daeuj gangj, sienghaih ceiq hung dwg doiqfueng bae gyaез bouxwnq.

Dwg ha, boux baengzyoux mbwk gou dwg yienghneix ndei. Ndaeј baenzneix gangj, dwg boux mehyah ndei, daxmeh ndei, lwgmbwk ndei caeuq bouxbawx ndei ndeu. Boux mehmbwk yienghneix ndei vih gijmaz lij youq ndaw cingzganj seiqgyaiq deng “fanci”? Nanzdauh dwg de guh loek lo? Mbouj, de mbouj caengz loek gvaq! Dwg boux gvan de loek lo—boux gvan de simlai lai. Danghnaeuz mbouj dwg boux gvan de bihaenx gouz de, danghnaeuz mbouj dwg boux gvan de gangj gak cungj vahgyaj daeuj hawj de sim—angq, boux baengzyoux gou naengz miz ngoenzneix ma?

Doiq faenh cingzganj ndaw ranz, baengzyoux ndei

gou caeuq boux gvan de ceng gvaq, nauh gvaq, gou siengj mbouj doeng cungj bouxsai neix miz gijmaz ndei hawj baengzyoux ndei gou vih de siengsim? Dwg ha, mehmbwk lumj va, aeu nyinh gyaез. Cungj bouxsai neix cij naengz hawj mehmbwk siengsim, de dauqdaeј miz gijmaz hawj mehmbwk louzlien? Gou gangj, saehcingz bienqbaenz yienghneix, baengzyoux ndei gou hix miz cwzyin, couh dwg de sim’ unq lai, de baez youh baez nyiuz boux gvan de. De wnggai hawj boux gvan de rox daengz sienghaih bouxwnq hix dwg sienghaih swhgeij. Swhgeij deng sienghaih couh youq gizhaenx gag daej miz gijmaz yungh, nanzdauh swhgeij couh mbouj lix ma? Aeu doiq swhgeij ndei, aeu veizhu swhgeij. Wnggai ganjcaeux couh caeuq boux gvan de doxliz bae, dauqcungz ra bouxsai gyaез swhgeij, caensim maiј swhgeij ndeu daeuj itheij cingfwngz daengz geq.

Raeuz ndaeј vut aicingz bae, hoeng mbouj naengz vut yinzgwz caeuq swcunh, neix dwg yiyi bouxvunz lix. Vunz aeu doiq swhgeij ndei, mehmbwk mbouj miz bouxsai ciuqyiengh lix ndaeј gig ndei cij baenz. Vihliux bohmeј mwngz, vihliux baengzyoux seizseiz gvaqniemh caeuq gvansim mwngz, aeu ndeindei insik swhgeij.

gojsaeh iq

Maqmuengh Saekloeg

绿色的希望

Miz ngoenz he, boux vunz bingh gig naek yaek dai ndeu, de daj congheueг binghfuengz yawjraen baihrog miz go faex he, mbawfaex youq ndaw rumz seizcou mbaw he mbaw he doek roengzdaeuj. Boux bingh yaek dai neix yawj aen cingzgingj neix, ndang de hix yied daeuj yied mbouj ndei, ngoenz beij ngoenz ca lo. De gag naeuz: “Daengz mbawfaex go faex neix cungj doek roengzdaeuj caez, gou hix yaek dai lo.” Boux canghveh ndeu cingqngamj byaiј gvaq aen binghfuengz neix, ndaeј nyi gij vah boux bingh yaek dai neix gangj. Doeklaeng de couh veh le benq mbawfaex heusausau he venj youq gwnz nga gofaex. Mbouj rox gvaq ndaeј geijlai nanz, benq mbawfaex neix youzcaih rumz baenzlawz ci hix mbouj doek roengzdaeuj. Cij aenvih benq maqmuengh saekloeg neix, boux bingh yaek dai neix gingqyienz geizcik dwk lix roengzdaeuj lo!

gojsaeh iq

Gij Fuengsik Doxgyaez

爱的方式

Siuj Vangz gaxgonq aenvih huxci lwgda de yawj mbouj raen lo. Doeklaeng de ra ndaeј dahyoux, hoeng, de coengzlaiz mbouj rox dahyoux de dwg gijmaz yiengh, cij nyi ndaeј sing dahyoux de. Bihaenx, dahyoux de aendungx baenzaiz, yaek dai seiz dahyoux de gien muek gokda hawj siuj Vangz. Lwgda siuj Vangz baez dauqfuk yawjraen goxgaiq couh sikhaek bae ra

gij mbawsiengq dahyoux de, daeuj yawj yiengh dahyoux de. Hoeng, de cij ra ndaeј fung saenq dahyoux ce hawj de he, ndaw saenq miz mbawsiengq hoengqvangq, baihlaeng mbawsiengq neix lij sij miz coenz vah ndeu—“Gaeј caiq bae siengj gou dwg gijmaz yiengh, boux gvaqlaeng mwngz gyaез haenx dwg gijmaz yiengh gou couh dwg gijmaz yiengh!”



Raemxdiuqdat Dwzdenh Dasingh Yen

Veiz Gozcingh Sangcieng Cawj—guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz

Couh Gvanghcunh gig rox guh ginghci, gaiјfang le guh gvaq boux bucanj Caizcwngzbu Veijyenzei Ginhcwng Vazdungh, boux fucujyin Daihseiј Ranzbanhgoeng Gozvuyen, boux fucujyin Ginghveiј Guekgya. 60 nienzdaih co diuhnyaemh boux cangzveiј Cunghnanzgiz Cunghung Cunghyangh giem boux cuјyin giveij, vih Guengjsae guh hong ginghci bang gvaq hauјlai saeh. Cunghnanzgiz siu bae le, Veiz Gozcingh cingigouz diuh de daeuj Guengjsae guh hong, hawj de guh boux fucujcangj Cujciјveiј Swnghcanj Gwzveiјvei Swcigih gonq, doeklaeng guh gvaq boux cuјyin giveij, boux fucujyin Gwzveiјvei Swcigih, boux fucujsiz Swcigih, boux suhgi Dangjveiј Swcigih.

Couh Gvanghcunh bi 1972 nienz co daeuj daengz Guengjsae seiz, miz duenh ndeu, Veiz Gozcingh ceng mbouj lai buenq ndwen couh ra de lwnh gij vwndiz gvendaengz ginghci Guengjsae baez ndeu. Doiq hwnјguh ginghci nyienh ngeixcon, yiengq laјfwngz hagsib mbouj lau najmong,

dwg gij daidu Veiz Gozcingh daj bingdoiј senj daengz diegfueng guh hong soqlaiz miz haenx. De ciengzseiz yiengq Couh Gvanggcunh cam giјneix giјhaenx, lumjnaeuz: Yizbwnj guh cangj gangdiet hung vihmaz genj youq henz haiј, gijmaz dwg gij doxca nengz lueg dienhlig daengjdaengj. De gig yawjnaek gij yigen Couh Gvanghcunh, vanzlij gyau gij hong cungdenj nanzdenj swnghcanj gensez hawj Couh Gvanghcunh bae guh. Dang Liuj—gangh gya’ gvangq cingq guh daengz giz gvanhgen seiz, de heuh Couh Gvanghcunh bae bang Liujgangh; dang dienhraemx Guengjsae gensez

mienhdoiј gij vwndiz baenzlawz haifat seiz, de youh heuh Couh Gvanghcunh daiqdaeuz bae guh gij gviveh cunghab leihyungh Dahraemx—hoengz.

Aen cuјiq gviveh dazyinx neix laebbaenz gaxgonq, bumwnz gyau—doeng caeuq bumwnz dienhraemx gaenq faenbied daj hangzyinh caeuq fatdienh song baih neix guh gvaq gviveh. Baez gviveh neix cuјyau vihliux hezdiuz gij yigen hangzyinh caeuq fatdienh, led gij hanghmoeg geizgyawj yaek haifat haenx daeuj guh. Aen Ranzbanhgoeng Cuiјq Dazyinx gvangqlangh soucomz caeuq cungfaen leihyungh gij caizliuh

banlaux rom roengzdaeuj, damqra gij ndei caeuq gij yaez ndaw fueng’ anq gaxgonq geij baez haifat gaepmbaek, miz cimdoiј dwk bae yienhciengz cungdenj guh cazyawj caeuq cunzcam lengqboux, caemhcaiј doiј gij fueng—anq yaek dauјlun guh ngeixyaeng ciendaез. Bi 1973 ndwen 9, gyoengq—de daezok le song giz dieghaifat geizgyawj hawj dangjveiј swcigih, giz he dwg Dava, giz he dwg Dadwngzyaz. Gangj daengz hangzyinh ne, dandog gag guh gaepmbaek mbouj ndei, ndaeј giethab gaepmbaek dienhraemx bae haifat mieng roen—ruz.

(caengz sat)